

婦人良方

瘡瘍

廿四之終



天

天

天

天



卷之二十四

○瘡瘍門 新附

蘭唇方論一

耳聆痛方論二

瘰癧方論三

結核方論四

流注方論五

血風瘡方論六

赤白遊風方七

橫痃方論八

鶴膝風方論九

下注腫瘡方論十

足跟瘡方論十一

肺癰方論十二

腸癰方論十三

乳癰乳岩方論十四



卷之二十一

一、  
二、  
三、  
四、  
五、  
六、  
七、  
八、  
九、  
十、  
十一、  
十二、  
十三、  
十四、  
十五、  
十六、  
十七、  
十八、  
十九、  
二十、  
二十一、  
二十二、  
二十三、  
二十四、  
二十五、  
二十六、  
二十七、  
二十八、  
二十九、  
三十、  
三十一、  
三十二、  
三十三、  
三十四、  
三十五、  
三十六、  
三十七、  
三十八、  
三十九、  
四十、  
四十一、  
四十二、  
四十三、  
四十四、  
四十五、  
四十六、  
四十七、  
四十八、  
四十九、  
五十、  
五十一、  
五十二、  
五十三、  
五十四、  
五十五、  
五十六、  
五十七、  
五十八、  
五十九、  
六十、  
六十一、  
六十二、  
六十三、  
六十四、  
六十五、  
六十六、  
六十七、  
六十八、  
六十九、  
七十、  
七十一、  
七十二、  
七十三、  
七十四、  
七十五、  
七十六、  
七十七、  
七十八、  
七十九、  
八十、  
八十一、  
八十二、  
八十三、  
八十四、  
八十五、  
八十六、  
八十七、  
八十八、  
八十九、  
九十、  
九十一、  
九十二、  
九十三、  
九十四、  
九十五、  
九十六、  
九十七、  
九十八、  
九十九、  
一百



大醫院校註婦人良方大全卷之二十四

補遺

吳郡後學薛 已著

書林泗泉余彰德梓

瘡瘍門

婦人蘭唇方論第一

諸骨木梗等咽  
見口齒類要

內經云脾氣開於口又云脾之榮在唇蓋燥則乾熱則裂風則  
瞶寒則揭若腫起白皮皴裂如蠶繭名曰蘭唇有腫重出如繭  
者有本細末大如繭如瘤者其因或胎產經行而陰血損或七  
情動火而榮血虧或心火傳授脾經或厚味積熱傷脾太要審  
本症察兼症補腎水生脾血則燥自潤火自除風自息腫自消  
若患著忽畧治者不察內用清熱消毒之藥外用追蝕線結之



法又為敗症慎哉

附治驗

一婦人懷抱久鬱或時胃口嘈辣胸膈不利月水不調晡熱食少體倦唇腫已年餘矣此脾經鬱火傷血用歸脾湯加薑汁炒黃連山梔少佐吳茱萸嘈辣頓去飲食稍進乃去黃連加貝母遠志胸膈通利飲食如常又用加味道遙散歸脾湯間服百餘劑月水調而唇瘡愈

一婦人懷抱久鬱患齒齦齦雜治消痰降火虛症悉具盜汗如雨余謂此氣血虛而有熱也用當歸六黃湯內黃芩連柏俱炒黑二劑而盜汗頓止仍用歸脾湯八珍散煎服元氣漸復更以道遙散歸脾湯間服百餘劑而唇亦瘥



一婦人唇裂肉熱二年矣每作服寒涼之劑時出血水益增他症此胃火傷血而藥傷元氣也余用加味清胃散而愈後因怒唇口腫脹寒熱作嘔此屬肝木乘脾土用小柴胡加山梔茯苓桔梗諸症頓愈復以加味道遙散調補元氣而愈

一婦人因怒唇腫內熱體倦用化痰藥食少作嘔太便不實唇出血水用理氣消導胸膈痞滿頭目不清唇腫經閉用清胃行血肢體愈倦發熱煩躁涎水湧出余曰此七情傷肝脾屢用攻伐反致他症遂用濟生歸脾湯食進便實涎止用加味道遙散腫消熱退體健後因怒寒熱耳痛胸膈脹悶唇嫩腫甚此怒動肝火而傷血用四物合小柴胡加山梔頓愈又因怒胸乳作脹肚腹作痛嘔吐酸涎飲食不入小水不通此怒動肝木而尅脾



土也用補中益氣加川芎芍藥而愈又勞役怒氣飲食失節發熱喘渴體倦不食下血如崩唇腫熾甚此為肝經有火不能藏血脾經氣虛不能攝血用補中益氣加炒黑山梔芍藥丹皮而愈一婦人月經不調兩足發熱至年餘而身亦熱勞則足腿酸疼又年餘唇腫裂痛又半年唇裂出血形體瘦倦飲食無味月水不通唇下腫如黑棗余曰此肝脾血虛火症也彼不信用通經藥而歿

一婦人忿怒而唇腫或用消毒之藥唇脹出血年餘矣余曰此肝木尅脾土而血傷也須養脾胃滋化源為主彼執用前藥狀如翻花瘤而歿

一婦人占苦脇脹此肝火之症也用小柴胡加山梔黃連少愈



更以四君子加芍藥當歸柴胡調補脾胃而瘥

一婦人每怒口苦發熱晡熱此肝火盛而血傷也以小柴胡合四物二劑以清火而生血更以四物加柴胡白朮茯苓丹皮生血健脾而愈

一婦人每怒則口苦兼辣胸痛脇脹乳內或時如刺此肝肺之火也用小柴胡加山梔青皮芍歸桑皮而安後又勞怒口復苦經水頓至此屬內火動血得熱而妄行用四物加炒芩炒梔膽草一劑而血止更以加味逍遙散而元氣復

一婦人因怒齒痛寒熱作嘔用清胃等藥益甚余以為此肝火傷胃寒藥復傷故也用六君子加芍藥柴胡山梔而愈

一婦人胃中嘈辣甚則熱痛後患齒疼此胃中痰火也用二陳



加芩連下越鞠丸而瘳

一婦人發熱齒痛日晡益甚月水不調此脾經血虛用逍遙散加升麻尋愈後因怒復痛仍以前藥加川芎而痊

一婦人因怒牙疼寒熱此肝火侮脾土用小柴胡加芎歸苓朮山梔而疼痛止用加味逍遙散而寒熱退

一婦人每產後齒齦皆動踰日乃止此氣血虛而火動也後復

懷妊臨月余付十全大補湯二劑令產後煎服其齒不動如故

一婦人善怒舌痛煩熱或用降火化痰藥前症益甚兩脇作脹

又服流氣飲肚腹亦脹經行不正此肝虛不能藏血脾虛不能

攝血而前藥復傷也用加味歸脾湯加五味子而愈

一婦人冬患腦疽腫痛熱渴脉洪數實此膀胱濕熱上壅用清



熱消毒散潰而愈次年其舌腫大遍身患紫疔如葡萄手足亦  
多各刺出血此脾胃積熱毒也服奪命丹七粒山真法瘡熱  
甚又便秘二日與大黃今連各三錢升麻白芷山梔薄荷連  
翹各二錢生草一錢水煎三五沸服之大小便出臭血甚多下  
體疔稍退乃入犀角汁再服舌本及齒縫出臭血諸毒乃消更  
與犀角地黄湯而愈

一婦人善怒舌本強手臂麻此肝木尅脾土治以六君子加柴  
胡芍藥而愈

一婦人產後喉痛服清熱等劑益甚此膀胱經血虛也蓋膀胱  
之內脉上行至喉而還用小珍湯加牡丹皮柴胡酒炒黑黃柏  
二劑而愈



一婦人喉間作痛旬餘宋腫如赤楊梅狀二月後而腫遍身筋骨作痛余以為此時行楊梅瘡也先以草薢湯數劑而平更以四物加草薢黃芪二十餘劑諸症悉退

附方藥

清胃散

治醇酒厚味唇齒作痛或齒齦潰爛或連頤面頸項

作痛

黃連炒一錢五分

當歸

生地黃

牡丹皮

錢各一

升麻二錢

右水煎服實熱便秘加太黃

加味清胃散即前方加犀角連翹甘草

涼膈散

治積熱煩渴面赤內熱頭昏咽痛便溺赤澁狂言譫



妄睡卧不安

大黃

朴硝

甘草各一錢

連翹二錢

梔子

黃芩

薄荷各一錢

右水煎服

補黃散

治脾胃虛熱口舌生瘡畏冷飲食

人參

白朮炒各一錢

白芍藥炒黃

陳皮

甘草

炒各五分

右薑棗水煎服

四順清涼飲

加山梔牛蒡子加味清涼飲

治臟腑實熱秘結口舌生瘡

當歸

赤芍藥

甘草

大黃各一錢

右水煎服



人參安胃散

治服峻劑損脾胃口舌生瘡

人參錢一

黃芪錢二

生甘草

炙甘草各五錢

白芍藥錢七

白茯苓錢一

黃連錢五

右水煎服

溫中丸

一名人參理中丸

治中氣虛熱口舌生瘡不喜飲冷肢體倦怠

飲食少思

人參

甘草炒

白朮炒各等分

右為末薑汁糊丸桐子大每服五十丸白湯下

柳華散

治熱毒口瘡

黃栢炒

蒲黃

青黛真正者

人中白煨等分

右為末敷之



四物湯 治血熱口舌生瘡或牙齦腫潰或口晡發熱煩躁不

安方見本卷第六論

加味四物湯即四物湯加丹皮柴胡山梔

當歸補血湯 治氣血俱虛口舌生瘡熱渴引飲目赤面紅六

脉洪大而虛重按全無方見本卷第十一論

四物二連湯 治血熱口舌生瘡或夜發寒熱

當歸 熟地黃 白芍藥炒

川芎 黃連炒 胡黃連各一錢

右水煎服

清心利膈湯

治積熱咽喉腫痛痰涎壅盛煩躁飲冷太便秘結

金銀花 防風 荊芥 薄荷



方輿記 卷之二十四 六

桔梗炒 黃芩炒 黃連炒 山梔炒

連翹錢各一 玄參 大黃煨 朴硝

牛蒡子研 甘草各七

石水煎服

龍射聚聖丹 治心脾客熱咽啞腫痛或成癰不消或舌本腫

脹口舌生瘡或諸物骨鯁

川芎兩 生地黃 犀角鎰 羚羊角鎰

琥珀 玄參 連翹錢各五 人參

赤茯苓 馬牙硝 片腦 麝香錢各三

桔梗 升麻 鉛白霜錢各五 硃砂

牛黃錢各二 南硼砂兩一 金箔五十



右各另為末和勻蜜丸龍眼大金箔為衣薄荷湯化下或噙

點之

拔萃桔梗湯

治熱腫喉痺

甘草

連翹

山梔炒

桔梗炒

黃芩各一錢

薄荷

右竹葉水煎服

甘桔湯

治咽喉腫痛

甘草六錢

苦梗三錢

右水煎服

解毒雄黃丸

治纏喉風腫閉或卒倒死牙關緊急

雄黃一錢

鬱金一錢

巴豆十粒

去油殼



右為米醋糊丸菜豆大用熱茶送下七丸吐頑痰立甦

奪命丹

治喉閉或疔毒或麻木或嘔吐重者昏愴若疔毒牙

關緊急用三五丸為末水調灌下誠有奪命之功

蟾酥草者酒化

輕粉各五分

枯白礬

寒水石煨

銅碌

乳香

沒藥

麝香各一錢

硃砂三錢

蝸牛二十个另研如無亦効

右為末用蝸牛或酒糊為丸如菜豆大每服一二丸溫酒或

煎湯下

換肌消毒散

治時瘡不拘初起潰爛一名革

土茯苓五錢

當歸

白芷

皂角刺炒

薏苡仁各一錢半

白鮮皮

木瓜不犯

木通



金銀花錢一

甘草五

右水煎服

七味白朮散

一名錢氏白朮散

治中氣虛熱口舌生瘡不喜飲冷或吐

瀉口乾

方見二十一卷第二論

四君子湯

治脾胃虛熱唇口生瘡食少作嘔太便不實若肝

木乘脾土所致加柴胡芍藥

方見本卷第六論

六君子湯

方見本卷第六論

二陳湯

方見本卷第五論

越鞠丸

方見六卷第七論

補中益氣湯

方見本卷第十論

清熱消毒散

方見本卷第五論



犀角地黃湯 方見本卷第二論

當歸六黃湯 方見十九卷第六論

逍遙散 八珍湯 歸脾湯

十全大補湯 四方見本卷第四論

小柴胡湯 方見本卷第二論

婦人耳聾方論第二

耳聾屬手少陽二焦或足厥陰肝經血虛風熱或怒動肝火而致若發熱煩痛屬二焦厥陰風熱用柴胡清肝散若內熱疼痛或脹痛屬肝火傷血用梔子清肝散若寒熱作痛或作嘔吐屬肝火傷脾用益脾清肝散若口乾足熱為肝腎陰虛用益陰腎氣丸若月經先期為血熱用加味逍遙散過期為血虛用八珍



湯食少體倦為鬱火用加味歸脾湯惡寒發熱肢體倦怠為氣血俱虛用十全大補湯慎不可專治其外復傷氣血也

### 附治驗

一婦人耳內外腫痛胸脇不利寒熱往來小便不調余以為肝火傷血先用龍膽瀉肝湯四劑諸症頓退又用加味逍遙散而愈又因怒復作用小柴胡湯而痊

一婦人經行後因勞怒發寒熱耳作痛余以經行為血虛用珍湯加柴胡怒氣為肝火用加味逍遙散勞役為氣傷用補中益氣湯加山梔而愈

一婦人素鬱怒耳內作痛腫焮寒熱面色青黃經行則變赤余用加味歸脾湯加味逍遙散而愈



一婦人懷抱素鬱因怒耳作腫痛經行不止寒熱發熱面色青赤肝脉弦數余以爲久鬱傷脾暴怒傷肝先用加味小柴胡湯隨用加味逍遙散而痊

一婦人因怒發熱每經行兩耳出膿兩太陽作痛胸脇乳房脹痛或寒熱往來或小便頻數或小腹脹悶皆屬肝火血虛先用梔子清肝散二劑又用加味逍遙散數劑諸症悉退乃以補中益氣加五味而痊

一婦人耳內腫痛出水寒熱口苦愀連頸項飲食少思此肝火甚也用小柴胡湯加山梔牡丹皮稍愈用加味逍遙散漸愈用八珍湯加柴胡丹皮山梔調補肝脾而全愈

一婦人耳內外腫痛胸脇不利寒熱往來小便不調此肝經濕



熱也用龍膽瀉肝湯四劑諸症頓退用加味逍遙散而全愈又因怒復作用柴胡清肝散而痊

一婦人耳內不時脹痛內熱口乾勞則頭暈吐痰下帶此肝脾氣虛也朝用補中益氣文用加味逍遙散而痊

一寡婦耳內外作痛不時寒熱脈上魚際此血盛之症用小柴胡加生地以抑其血而愈又項間結核如貫珠寒熱晡熱用加味歸脾湯加味逍遙散調補肝脾而愈

一婦人耳內外或作痛或赤腫或寒熱月經旬日而止潮熱內熱自汗盜汗余以爲肝脾氣血俱虛而有熱用歸脾湯六味丸而愈

一婦人性急或耳內作痛或耳外赤腫發熱胸脹目瞶益甚余



以為怒氣傷肝氣血俱虛朝用加味逍遙散加黃柏桔梗夕用歸脾湯送地黃丸而愈

一孀婦耳內外作痛或項側結核內熱晡熱月經不調吐痰少食胸膈不利余以為鬱怒傷肝脾朝用歸脾湯以解脾鬱生肝氣夕用加味逍遙散以清肝火生肝血而愈

一女子耳下腫赤寒熱口苦月經不調小便內結一塊此肝火氣滯而血凝也先用小柴胡加山梔川芎丹皮又用柴胡清肝散而痊

### 附治驗方藥

小柴胡湯 治肝膽經症寒熱往來晡熱潮熱身熱默默不欲飲食或怒火口苦耳聾咳嗽發熱腋下作痛甚者轉側不便



兩脇痞悶或瀉利咳嗽或吐酸食苦水皆用此藥主之

柴胡二錢

黃芩炒一錢

人參

半夏各七分

甘草炙五分

右薑水煎服

加味小柴胡湯

治肝膽經風熱耳前後腫痛或結核癰痛或

寒熱嘔熱或經候不調等症即小柴胡加山梔牡丹皮

益脾清肝散

治肝經之症寒熱體痛脾胃虛弱

人參

白朮炒

茯苓

各一錢

甘草

炒五分

川芎

當歸

黃芪

各一錢

柴胡

五分

牡丹皮

十分

右水煎服



梔子清肝散

治三焦及肝膽經風熱耳內作痒或生瘡出水

或脇肋胸乳作痛寒熱往來

柴胡

山梔炒

牡丹皮各一錢

茯苓

川芎

芍藥

當歸

牛蒡子

炒各七分

白朮炒

甘草

各五分

右水煎服

柴胡清肝散

治肝膽三焦風熱怒火以致項胸作痛或頭目

不清或耳前後腫痛或寒熱體疼

柴胡

黃芩

炒五分

人參

山梔炒

川芎

各一錢

連翹

桔梗各八分

甘草

五分

右水煎服



犀角地黄湯

治上焦有熱口舌生瘡發熱或血妄行或吐血

或下血

犀角鎰

生地黃

白芍藥

黃芩炒

牡丹皮

黃連炒各一錢

右水煎服若因怒而患加柴胡山梔

犀角升麻湯 治陽明經風熱牙疼或唇頰腫痛或手足少陽

經風熱連耳作痛

犀角鎰

升麻

防風

羌活各一錢

白附子五分

川芎

白芷

黃芩炒各七分

甘草五分

右水煎熟入犀末服



益陰腎氣丸

方見六卷第三論

婦人瘰癧方論第三

婦人瘰癧或因憂思鬱怒或因胎產經行則肝膽脾腎受傷以致前症蓋肝傷則血燥血燥則筋攣累累如貫珠多生耳前後胸脇間若寒熱腫痛乃肝氣動而為病用柴胡梔子散以清肝火為主佐以逍遙散以養肝血若寒熱既止而核不消乃肝經之血亦病矣宜用加味四物湯以養肝血為主佐以柴胡梔子散以清肝火若初生如豈附着於筋白色不變肉熱口乾精神倦怠久不消潰乃肝脾虧損用逍遙散歸脾湯六味丸以健脾土培肝木切不可用散堅追毒之劑故外臺秘要云肝腎虛熱則生瘰癧矣病機云瘰癧不係膏粱丹石之毒因虛勞氣鬱所致



補形氣調經脉其瘡當自消散若誤下之先犯病禁經禁矣若  
久潰不斂脉浮大邪火盛也面色眊白金尅木也皆不治凡瘰  
癧赤脉貫瞳子有幾條則幾年死無則可治

### 附治驗

一婦人患前症久而不愈或以爲木旺之症不宜於春預用散  
腫潰堅湯腫硬益甚余以爲肝經虧損用六味地黃丸補中益  
氣湯至春而愈此症若肝經風火自病元氣無虧可用散堅湯  
膏之劑若肝自損虧或水不生木用地黃丸若金來尅木須補  
脾土生腎水若行攻伐則脾胃傷而反致木尅土矣

一婦人患之少寐年餘而潰膿水淋漓月經或五六十日一至  
快服通經九屢轉無寐午前惡寒午後發熱余調思慮傷脾用



歸脾湯作九午前以六君子送下午後以逍遙散送下兩月餘得寐半載後經行如期年餘而瘡愈

一婦人潰後發熱煩躁作渴脉大而虛此血虛也以當歸補血湯六劑而寒熱退又以聖愈湯數劑而全愈更以參珍加貝母遠志而瘡斂

一癰婦面黃體倦燕酸噯氣余以爲中氣虛弱欲用補中益氣湯加茯苓半夏不信友降火利氣胸膈痞滿瘰癧瘰癧又散堅利氣噯氣不絕太便不實四肢時冷余曰今變中氣虛寒矣用六君子湯加姜桂少用升麻柴胡漸愈更佐以補中湯尋愈一婦人患此噯氣用降人清胃散少吞酸胸膈痞悶用利氣消道吐痰氣促飲食日少用清熱化痰太便堅澀內熱身瘦余



曰吞酸噯氣脾胃氣虛也胸痞痞喘脾肺氣虛也太便堅澀肉  
熱且瘦脾肺血虛也遂以補中益氣加炒黑桑葉黃二分數劑  
佐以六味丸諸症頻退乃用歸脾湯道遙散間服而愈

一婦人患前症遍身作痒脉大而虛此氣血俱虛不能榮於  
理以十全大補湯治之而愈大凡潰後午前痒作氣虛午後痒  
作血虛若作風症治之必死

一婦人項核腫痛察其氣血俱實先以必效散二服去之更以

益氣養榮湯三十餘劑補之而消蓋此症初起而血氣虛弱者  
先用前湯待其氣血稍充乃用必效散以去其毒仍用補藥無  
不奏效若已成膿者即針而補托之氣血復而核不消者服散  
堅之劑倘不應而氣血如故仍以必效散養榮湯又不應灸肘



尖肩髃二穴用豆豉餅琥珀膏自愈若氣血壯實不用追蝕亦  
能自腐用藥以腐之者使易於收斂耳若血虛而用追蝕不惟  
無益適以取敗凡不慎飲食七情者不治

附方藥

當歸川芎散 治手足少陽經血虛瘡癰或風熱耳內疼痛耳  
瘡出水或頭目不清寒熱少食或經水不調胸膈不利腰脇  
疼痛小便不調

當歸

川芎

柴胡

白朮炒

芍藥炒各一錢

山梔炒二分

牡丹皮

茯苓各八分

蔓荊子

甘草各五分

右水煎服



若肝氣不平寒熱往來加柴胡地骨皮肝氣實熱加柴胡黃  
芩肝脾氣血虛熱加參芪熟地脾虛飲食少思倍加白朮茯  
苓脾虛胸膈不利加人參黃芪脾虛痰滯胸膈不利加半夏  
肝氣不順胸膈不利加木香肝虛小腹疼痛或時作痛加熟  
地脾血不足小腹作疼加肉桂日晡發熱加熟地  
加味地黃丸 治肝腎陰虛諸症或耳內疼痛出水或眼昏痰  
喘或熱渴便秘等症

乾山藥

山茱萸肉

牡丹皮

澤瀉

白茯苓

熟地黃白製

生地黃

柴胡

五味子

各另為末等分

右將二地黃酒拌炒枳實炒加蜜丸桐子大每服百丸空心白湯



下如不應用加減八味丸

人參養榮湯

治潰瘍寒熱四肢倦怠體瘦少食面黃氣短不

能收斂太瘡愈後多服之庶不變他症也

白芍藥一錢五分

人參

陳皮

黃芪炒

桂心

當歸

白朮炒

甘草炙各五錢

熟地黃自製

五味子炒

茯苓各七分

遠志去心炒五分

右薑棗水煎服

瀉青丸 治肝經實火脇乳作痛或惡寒發熱大便秘結

當歸

龍膽草炒

川芎

山梔炒

大黃炒

羌活

防風各等分

右為末蜜丸桐子大每服三四丸白湯下若陰血不足肝火



血燥用四物加山梔柴胡或逍遙散加丹皮山梔若腎水虧損不能生肝不而筋攣結核或肢節拳攣或似中風涎痰上湧用六味丸料煎服

生地黃丸 治師危寡婦室女乍寒乍熱或頸間結核肝脉弦長而出魚際

生地 一兩酒拌杵膏

秦艽 黃芩

硬柴胡 各五錢

赤芍藥 一兩

右為末入地黃膏加煉蜜少許丸桐子大每服五十九烏梅煎湯下日進二服

連翹飲子

治肝膽經氣滯癰癥結核或乳內結核者

連翹

川芎

瓜蒌仁 研

皂角刺 炒



橘葉

青皮

甘草節

桃仁鎔一

右水煎服

散腫潰堅湯

治癰癰堅硬氣血無虧者宜用

升麻

連翹

當歸尾酒拌

白芍藥炒

黃柏酒炒

葛根

連翹

三稜酒拌微炒

廣木各三分

龍膽草酒炒

桔梗炒

昆布

知母酒炒

瓜蒌根各五分

柴胡四分

黃芩酒炒四分半

甘草炙二分

右水煎服

必效散

治癰癰未成者消已潰者斂須元氣無虧者可服

孕婦禁服

十六

南鵝砂二錢半

輕粉一錢

斑猫四十枚去頭翅同

麝香五錢

巴豆五粒去殼心膜

白檳榔一箇

右為末每服一錢五更用滾湯調下如小水瀝滯或微痛此癰毒欲下也進益元散一服即下此方斑猫巴豆似為峻厲然用巴豆乃解斑猫之毒用者勿畏

益元散

滑石末六錢

甘草末一錢

右每服一錢白湯調

琥珀膏

治頸項或腋下初結小核漸如連珠潰而膿水不絕

或漏症者

琥珀一兩

丁香

桂心

硃砂



木香

松香

白芷

防風

當歸

木通

木鱉子肉各五錢

麻油斤二

右先用琥珀等六味為末其餘藥入油煎焦黑濾去粗徐徐入黃丹再煎軟硬得中入前末即成膏矣

針頭散

治一切頑瘡內有瘀肉或癰核不化瘡口不合重此

藥腐之

赤石脂錢五

乳香

白丁香

砒霜生用

黃丹

錢各一

輕粉

麝香錢各五

蜈蚣一條炙乾

右為末搽瘡肉上其肉自化若瘡口小用糊和作細條陰乾經之凡瘡久不合者內有膿管必須用之

追遠散

龍胆湯 二方見本卷第四論

柴胡清肝散

梔子清肝散

二方見本卷第二論

補中益氣湯

方見本卷第十論

四物湯

加味四物湯

六君子湯

三方見本卷第六論

六味丸

歸脾補血湯

二方見本卷第十一論

聖愈湯

方見本卷第九論

益氣養榮湯

方見本卷第五論

灸眉顙肝尖法

方見本卷末



婦人結核方論第四

婦人結核皆因鬱怒虧損肝脾或因胎產經行失於調養或因  
暴怒動膽火若結於項側耳前後或胸脇肋痛或發寒熱屬  
膽經風熱怒火宜用柴胡清肝散加釣藤山梔以養血氣清肝  
火若結於肉裡其色不變肺熱內熱屬肝火血虛宜用加味逍  
遙散加龍膽草以養肝血清肝火或結於肢節或累累如珠  
其色不變亦肝火血燥而筋攣宜用柴芍芩苓散加釣藤以養  
血氣佐以六味丸以生腎水若時消時作此氣滯而痰結也用  
歸脾湯二湯以調和脾肺之氣並佐以海藻丸若潰而核不  
腐或肉不生或膿水清稀肌寒肉冷自汗盜汗寒熱內熱面色  
痿黃食少體倦便利不調者五藏皆虛也但用補中益氣加味

六君子二湯調補脾胃以滋諸臟則各症自退故經云形傷則痛氣傷則腫慎不可輕用行氣破血之劑以復傷也

### 附治驗

一婦人項結核寒熱頭痛脇脹乳痛肉熱口苦小便頻數屬肝火血虛用加味四物而愈又用加味道遙散調補肝脾而安

一婦人經事不調肢體結核如榛如豆不計其數隱於肉裡其色不變三年餘矣大按則痛或投以降火消毒乃不按自痛發熱作渴日晡益甚經水過期左關脈數此肝火血燥也用清肝益榮湯六十餘劑諸症已愈惟項核未消又以當歸龍薈丸數服及八珍湯加柴胡山梔三十餘劑而痊

一婦人久鬱怒胸脇內股外臚各結核寒熱往來經候不調胸



腸不利飲食少思大便不調左關弦洪左寸弦數右關弦緊右寸弦浮余謂左關弦洪肝經熱也左寸弦數木生火也右關弦緊肝剋脾也右寸弦浮木侮金也法當生肝血遂用加味四物湯而諸症退用加味道遙散而經候調用加味歸脾湯而全愈

一婦人因怒肢體結核睡中發搐左關弦洪余曰此為肝火血燥筋攣當清肝火養元氣遂用加味小柴胡湯加味道遙散漸愈又用八珍湯加牡丹皮柴胡山梔釣藤而愈

一婦人肢體結核胸腹痞悶氣泄稍寬余謂此肝脾鬱滯不信服降火行氣化痰病愈甚而氣愈虛余用加味道遙加味歸脾二藥間服半載而痊

一婦人項間結核不時寒熱左目緊小頭項振掉四肢抽搐此

肝火血虛風熱也用加味道遙加鉤藤數劑諸症漸愈又用八珍湯調理而痊

一婦人耳內耳後頰側結核作痛寒熱口苦月經不調此肝膽經火而傷脾胃也用四君柴胡丹皮及六味地黃而愈

一婦人因怒結核經行不止發熱晝夜不安靜而夜譫語此血分有熱也用小柴胡加生地頃安其核尚在經候先期肝脈弦數此肝火血涸而筋攣也用加味道遙加生地月經如期而愈

一婦人項臂結核頭痛寒熱乳內特疼兩脇痠痛余以為肝脾鬱火而血燥先以加味道遙散再用加味歸脾湯而愈

一婦人素鬱怒患前症內熱晡熱久而不愈若面色痿黃則月經過期而少若面色赤則月經先期而多余曰面黃過期脾經



虛弱也面赤先期脾虛火動也朝用補中益氣升舉脾土以益  
氣血夕用加味道遙滋養肝血以息陰火復以歸脾湯解鬱結  
半載元氣復而痊又有患前症因脾虛下陷而發熱乃專治其  
瘡變瘰而歿

一女子耳下結核焮痛寒熱此屬肝經風熱用梔子清肝散十  
劑諸症悉愈後因怒耳後升額兩角作痛寒熱此兼少陽經症  
仍以前藥加羌活二劑而痊

一婦人項患五核時常寒熱肝肺弦長而出寸口此血盛無耦  
之症也用小柴胡湯加生地烏梅治之而愈

一婦人腹中結塊誤認血驚服驅逐之藥下血甚多致肢體間  
結核治法見二十卷第十一論

附方藥

八珍湯

治脾胃傷損惡寒發熱或煩躁作渴或因脾胃虧損

膿水清稀久不能愈等症即四君四物二湯相合

方見本卷第二論

十全大補湯

治瘡瘍胃氣虛弱腫痛不消或潰而不斂或自

汗盜汗食少體倦或寒熱作渴頭痛眩暈或似中風又治氣血

俱虛胸腹脇痛或作脹滿或骨節作痛經候不調或寒熱晡熱

五心煩熱或吐血咽乾頭痛眩暈眼目昏澁或痰嗽喘促胸膈

虛痞或嘔吐泄瀉手足冷熱即八珍湯加黃芪肉桂

加味道遙散

治肝脾血虛有熱遍身搔痒或口燥咽乾發熱

盜汗食少嗜卧小便澁滯等症又治癰癰流注虛熱等瘡

甘草炙

當歸炒

芍藥酒炒

茯苓



白朮

炒各一錢

柴胡

牡丹皮

山梔炒五

右水煎服

逍遙散即前方去丹皮山梔

歸脾湯

治脾經失血少寐發熱盜汗或思慮傷脾不能攝血

以致妄行或健忘怔忡驚悸不寐或心脾傷痛嗜卧少食或

憂思傷脾血虛發熱或肢體作痛大便不調或經候不準

熱內熱或癰癰流注不能消散潰斂

人參

白朮炒

黃芪炒

白茯苓

龍眼肉

當歸

遠志

酸棗仁

炒各一錢

木香

甘草

炙各五分

右薑棗水煎服

加味歸脾湯

即前方加柴胡山梔

柴木參苓湯

治肝火血熱通身瘙癢或起赤暈或筋攣結核

白朮炒

人參

茯苓各錢

柴胡

川芎

山梔炒

芍藥炒

甘草炒各五分

熟地自製

當歸各八分

右水煎服

柴芍參苓散

治肝膽經部分結核癰癤瘰癧等症或肝血燥

熱脾氣虛弱發熱少食

柴胡

芍藥炒

人參

茯苓

白朮炒

山梔炒

陳皮

當歸各一錢

牡丹皮

甘草各五分



右薑棗水煎服

清肝益榮湯

治肝膽經風熱血燥筋攣結核或作癰子

柴胡

山梔

炒各五分

龍膽草

酒拌炒黑五分

當歸

川芎

芍藥

炒各一錢

熟地黃

製自

白朮

炒

木瓜

不犯鐵器

茯苓

各五分

甘草

三分

薏苡仁

五

右水煎服

清熱涼血飲

治風熱血燥丹毒等症大便秘結

當歸

川芎

大黃

炒

芍藥

炒

生地黃

各一錢

右水煎服

神効開結散

消癰塊甚効

沉香

木香

各二兩

橘紅

四兩

珍珠

四十九粒入三升銀內以鹽泥封固煨赤取出用火毒用

猪厭肉子

四十九枚用豚猪者生預間如棗子大一

右為末每服一錢

臨卧酒調徐徐嚥下患赤者三五服大者

一劑可愈切忌酸醎油膩滯氣之物須用除日於靜室修命

海藻散堅丸

治肝經癭瘤

海藻

昆布各二兩

小麥

四兩醋煮晒乾

柴胡

二兩

龍膽草

酒拌炒焦二兩

右為末煉蜜丸

桐子大每服二三十九臨卧白湯送下禁化

燕之尤好

凡患瘰癧服調治之藥未應宜佐以前二藥

九味柴胡丸

方見本卷第八論

蛇子清肝散



柴胡清肝散 二方見本卷第二論

生地黃丸 方見本卷第三論

婦人血注方論第五

婦人血注或因憂思鬱怒虧損肝脾或因產後勞役復傷氣血以致營氣不從逆於肉理腠理不密外邪客之或濕痰流注或跌撲血滯或產後惡露則氣流而注血注而凝或生於四肢關節或流於胸腹腰髖或結塊或漫腫皆屬虛損急用葱熨及益氣養榮湯則未成者自消已成者自潰若腫起作痛起居如常飲食如故屬病氣有餘形氣未損者尚可治若漫腫微痛起居倦怠飲食少思屬形氣病氣俱不足最為難治不作膿或膿成不清氣血虛也用八珍湯憎寒畏寒陽氣虛也十全大補湯補

熱內熱陰血虛也四物加參木作嘔欲嘔胃氣虛也六君加炮薑食少體倦脾氣虛也補中益氣加茯苓半夏四肢逆冷小便頻數命門火衰也八味丸小便頻數痰盛作渴腎水虧損也八味丸月經先期不日而止肝脾虛弱也月經過期多日不正肝脾虛熱也八珍湯加柴胡丹皮凡潰而寒凝瘡口不斂者用耳鼓餅祛散之其潰而有膿管不斂者用針頭散腐化之若不補氣血不節飲食不慎起居不成七情或用寒涼剋伐者俱不治

### 附治驗

一婦人左臂患之年許不潰堅硬不痛脉弱少食月經過期日晡發熱勞怒則痛此形氣虛而逆於肉裡也與參芪歸木川芎



一婦人因暴怒而腰腫一塊或胸膈不利或疰氣作痛此營氣鬱滯與方脉流氣飲數劑而止更以小柴胡對四物加香附貝母月餘而愈

一婦人因怒脇下腫痛胸膈不利脉息沉滯此營氣鬱遏而爲腫用方脉流氣飲數劑少愈以小柴胡對二陳加青皮桔梗貝母數劑頃退更以小柴胡對四物二十餘劑而痊

一婦人因閃肭肩腫遍身作痛用黑丸子二服而痛止又用方脉流氣飲二劑而腫消更以二陳對四物加香附枳殼枳梗愈而一婦人患此遇勞必痛衆手按之痛不止屬氣血俱虛用十全大補湯六味丸逍遙散而痊

一婦人先肢體作痛後患流注發熱惡寒食少脇脹月經不調

痰盛喘嗽五心煩熱健忘驚悸盜汗無寐惡屬肝脾虧損氣血  
不足用十全大補加味歸脾兼服諸症悉痊

一婦人素頭暈事流注月經遲少此屬中氣虛弱用補中益氣  
湯而愈後因勞仆地月經如湧此勞傷火動用前湯加五味子  
下劑而愈

一婦人患前症用行氣化痰等藥胸膈不利飲食少思用疎利  
之藥大便作泄中滿不食余以爲脾胃復傷用補中益氣湯加  
煨薑脾胃健飲食進又用六君加芳歸百餘劑而愈

一婦人素鬱結肩臂各腫如覆杯余以爲肝脾虧損用加味道  
送散百餘劑元氣復而腫消後因勞役怒氣經行不止服涼血  
之劑其血如崩余以爲此因脾氣復傷下陷而血從之朝用補



中益氣湯及用加味歸脾湯而愈

一婦人懷抱鬱結不時心腹作痛寒熱倦怠服行氣化痰等劑遍身結核木小不一二十餘枚諸藥不應余用加味歸脾湯而愈

一婦人腿患筋攣骨痛諸藥不應脉遲緊此肝脾氣血虛弱而寒氣之變也用木防風湯二劑頓退又二劑而安又一婦患之亦然先用前藥二劑更服黑丸子而痊此二患若不早治以致內潰必成敗症矣

一婦人患前症潰後發熱余以為氣血俱虛彼不信乃服敗毒表散之藥果發太熱竟至不救夫潰瘍雖有表症發熱宜以托裏為主而佐以表散之劑况於癰癰流注乎

附方藥

仙方活命飲 治一切瘡瘍未成者即散已成者即潰又止毒  
消毒之良劑也

白芷

貝母

防風

赤芍藥

當歸尾

甘草節

皂角刺炒

穿山甲炙

天花粉

乳香

沒藥各一錢

金銀花

陳皮

各三錢

右用酒一大碗煎五七沸服

托裡消毒散

治瘡疽元氣虛弱或行攻伐不能潰散服之未

成即消已成即潰腐肉即去新肉即生

人參

黃芪

鹽水拌炒

當歸

川芎

芍藥炒

白朮炒

茯苓

各一錢

金銀花



本草綱目卷之二十一 藥部 二十

白芷 各七分 甘草 五分

右水煎服

托裡散 治瘡瘍因氣血俱虛不能起發或腐潰不能收斂及

惡寒發熱者

人參 氣虛多用之

黃芪 炒各一錢

白朮 炒

陳皮

當歸

熟地黃 自製

茯苓

芍藥 酒炒各一錢

右水煎服

益氣養榮湯 治懷抱抑鬱癰癰流注或四肢痠腫肉色不變

或日晡發熱或潰而不斂

人參

茯苓

陳皮

貝母

香附

當歸 酒拌

川芎

黃芪 鹽水炒

熟地黃兩一錢 芍藥炒各一錢 甘草炙 桔梗炒各五分

白木錢炒二錢

右薑水煎服

木香餅 治氣滯結腫悶胸風寒所傷作痛

木香錢五 生地黃兩一

右木香為末地黃杵膏和勻量患處木小作餅置患處以熟熨斗熨之腫痛悉退

一陳湯 治中脘停痰飲食少思嘔逆等症

陳皮去白 茯苓 半夏錢各一 甘草炙五分

右水煎服

不脈流氣飲 治惱怒胸膈脹滿或肢体作痛或結壅腫血氣



無虧

方見第三卷第七論等症

隔蒜灸法

治一切瘡毒大痛或不痛或麻木如痛者灸至不

痛不痛者灸至痛其毒隨火而散用大蒜頭去皮切三分厚安瘡頭上用艾壯於蒜上灸之三壯換蒜復灸未成者即消已成者亦殺其木勢不能為害如瘡大用蒜搗爛攤患處將艾鋪上燒之蒜敗再換仍服托裏之劑如不痛或不作膿不起灸者不治此氣血虛極也

神效葱熨法

治虛怯人肢體患腫塊或不痛或作痛或風襲

於經絡肢體疼痛或四肢筋攣骨痛又治流注跌撲傷損腫痛用葱頭細切杵爛炒熱敷患處冷易之再熨腫痛即愈其効如神此外補陽氣而運散壅滯之法也

豆豉餅 治瘡瘍腫硬不潰或潰不斂并一切頑瘡惡瘡用江  
西豆豉為末唾津和作餅大如錢厚如三文置患處加艾壯  
於上灸之乾則易之若背瘡大者用漱口水和餅覆患處鋪  
艾於上灸之如未成者則消已成者能殺其毒有不效者乃  
氣血虛也為不治

大防風湯

方見本卷第九論

八珍湯

方見本卷第三論

十全大補湯

方見本卷第九論

六君子湯

四物湯

二方見本卷第六論

補中益氣湯

方見本卷第十論



八味丸

六味丸

二方見本卷第十一論

針頭散

方見本卷第三論

小柴胡湯

方見本卷第二論

黑丸子

一名和血定痛丸  
方見本卷第九論

婦人血風瘡

婦人血風瘡因肝脾肺經風熱或鬱火血燥所致其外症或身  
發疣瘡搔痒或如丹毒痒痛或搔破膿水淋漓其內症月經失  
常小便不調夜熱內熱自汗盜汗惡寒憎寒肢體倦怠飲食不  
甘寒熱往來若發熱作痛屬肝經風熱用當歸飲加柴胡山桅  
若寒熱作痛屬肝脾鬱火用小柴胡加山桅黃連若發瘡瘡痒

屬肺經風熱用清熱消風散若經候失常內熱晡熱屬肝脾血  
虛用加味逍遙散若肢體倦怠寒熱往來屬肝脾氣虛用加味  
四君子加柴胡丹皮若夜熱作渴或蕪譫語乃血分有熱用小  
柴胡加生地黃血虛用四物合小柴胡若無寐盜汗內熱晡熱  
乃脾經血虛用歸脾湯兼寒熱加山梔若愈後身起白屑振則  
肌膚如帛所隔此氣血虛不能榮於腠理用十全大補湯若用  
風藥以治其外則陰血復傷反致他症矣

附治驗

一婦人素清苦四肢患之誤服敗毒藥晡熱內熱自汗盜汗  
月經不行口乾咽燥余謂四肢者脾之所主當調養脾血其病  
自愈遂用歸脾湯數劑而愈



一婦人性躁患之寒熱口苦脇痛耳鳴腹脹溺澀年餘矣此屬肝火傷脾用四君子加柴胡炒山梔炒龍膽散劑更與逍遙散煎服而瘡愈又與六味丸及逍遙散七十餘劑而愈

一婦人日晡身疼月餘口乾又月餘成瘡服祛風消瘡之劑腰水淋漓午前畏寒午後發熱殊類風症余謂此肝火傷脾外邪

所搏先用補中益氣加山梔釣藤又以逍遙散加川芎貝母而愈

一婦人癰痒發熱日晡益甚皮膚赤暈月經過期此血虛而有熱也以逍遙散加熟地熱止痒退更以四物加柴胡參芪多草

按冬調理遂愈

一婦人懷抱久鬱患前症膿水淋漓服連翹消毒散食少胸痞服清氣化痰湯作嘔吐痰服清熱化痰丸煩熱畏寒四肢軟弱

面自赤色脉大而無力余以爲脾胃虧損而虛寒隔陽氣於外  
遂用六君子湯加炮薑治之諸症稍愈飲食頓進又佐以四物  
湯諸症漸愈又以四君子每味各一錢四物湯每味各五分諸  
症全愈後因勞晡熱體倦懶食小腹痞堅小便澀滯自用四物  
黃柏知母晡熱尤甚更煩渴眩暈余以爲脾氣下陷用補中  
氣湯漸愈乃佐以逍遙散而安後月經至如前前症復作此脾  
氣傷而不能統血血虛而陰火動也仍用補中益氣而痊  
一女子十一歲善怒遍身作痒用柴胡川芎山梔芍藥以清肝  
火以生地當歸黃芩以涼肝血以白朮茯苓甘草以健脾胃而  
愈半年後遍身起赤痕或時眩暈此肝火熾甚血得熱而妄行  
是夜果經至



附方藥

當歸飲 治血熱癰疹疼痛膿水淋漓發熱等症

當歸

白芍藥

川芎

生地黃

白茯苓炒

黃芪各一錢

防風

荆芥

何首烏

不見鐵置

甘草

各五分

右水煎服

四君子湯

治胃氣虛弱或因尅伐以致腫不消散潰不收斂

若宜用此藥調補脾胃諸症自愈若誤用攻毒七惡隨至若飲食少思或食難化或欲作嘔或太便不實瘡口出血吐血便血尤宜用之凡氣血俱虛之症宜用前湯但如當歸則脾胃健飲食進陰血生若用四物沉陰則脾胃復傷反致他症

若命門火衰而脾土虛寒者必用八味丸以補土母

人參

白朮

茯苓各二錢

甘草各一錢

右薑棗水煎服

加味四君子湯即前方四君子加川芎當歸

六君子湯 治症同前即四君子湯加陳皮半夏各一錢若中

氣虛寒假熱誤服寒涼剋伐以致四肢發熱口乾舌燥嘔吐

此因寒氣隔陽於外須更加溫藥不應熱加附子

四物湯

治血虛或因失血或因剋伐或因潰後以致補熱肉

熱煩躁不安若脾虛不能生血者宜四君加當歸并酒炒白

朮以補脾土其血自生若血虛發熱誤服寒涼剋伐之劑以

致發熱作渴目紅面赤脈洪大而虛此血脫煩躁急用當歸



補血湯

當歸

酒拌一錢

熟地黃

三錢自製

炒藥

錢炒一

川芎

右水煎服

加味四物湯即四物加柴胡牡丹皮山梔

神效當歸膏

治一切瘡瘍搔痒疼痛去腐肉生新肉其功如

神如洗拭擦膏必須預備即貼之新肉長風故也如用白蠟

尤好此藥生肌止痛補血續筋故與新肉相宜

當歸

生地黃

黃蠟

各一兩

麻油

六兩

右先將當歸地黃入油煎黑去粗入蠟溶化候冷攪勻即成

膏矣

如用白蠟減半

滋陰腎氣丸

方見六卷第三論

小柴胡湯方見本卷第二論

歸脾湯

逍遙散

二方見本卷第四論

六味丸

方見本卷第十一論

補中益氣湯

方見本卷第十論

婦人赤白遊風屬肝經怒火血燥生風或脾經鬱結血虛生熱

或腠理不密風邪外襲其症或疥癩瘡痒或膿水淋漓白屑氣而赤屬血因得風而遊行也若肝經血燥用柴胡清肝散肝經怒火用梔子清肝散肝經血熱用加味四物湯肝火血虛用六味地黃丸脾經鬱熱用加味歸脾湯肝脾血虛風熱用加味逍



遙散若因風邪鬱熱所致用荆防敗毒散或專用祛風之劑肝  
血愈燥則血隨火化反為敗症矣

附治驗

一婦人素清苦因鬱怒患前症晡熱內熱自汗盜汗月經不行  
口乾咽燥余謂此鬱氣傷脾乃以歸脾湯數劑諸症稍退後兼  
逍遙散五十餘劑而愈

一婦人患此性躁寒熱口苦脇痛耳鳴腹脹溺瀝乃肝脾血虛  
火旺也用六君加柴胡山梔龍膽數劑更與逍遙散兼服漸愈  
又與六味丸逍遙散七十餘劑諸症悉退

一婦人患前症誤服太麻風藥破而出水煩渴頭暈誠類風症  
亦脉洪數心肝脾為甚余曰風自火出此因怒火脾胃受邪血

燥而作非真風症也與逍遙散太味丸以清肝火滋脾血生腎水而愈

一婦人患前症久不愈食少體倦此肝脾虧損陰虛發熱也先用補中益氣加川芎炒桅元氣漸復更以逍遙散而瘡漸愈

一婦人身如丹毒搔破膿水淋漓熱渴頭暈日晡益甚用加味

逍遙散而愈

一婦人患赤遊風晡熱痒甚余用清肝養血之劑不信乃服木麻風藥臂痛筋攣又服化痰順氣之劑四肢痿弱又一婦患前症數用風藥煎湯泡洗以致腹脹並歿

一女子赤暈如霞作痒發熱用加味小柴胡加生地連翹丹皮而愈大凡女子天癸未至婦人月經不調受驚着惱多有此症



附方藥

消風散

治風寒癢疹疼痛或膿水淋漓頭皮腫痒

荆芥穗

甘草炙

陳皮

人參

茯苓

白殭蚕炒

防風

芫蕘

藿香

羌活

蟬蛻各一錢

厚朴

姜製五分

右水煎服

大連翹飲

治風熱熱毒或赤白遊風表裏皆受患者

連翹

藿麥

荆芥

木通

赤芍藥

蟬蛻

甘草

防風

柴胡

滑石

山梔炒

黃芩炒

當歸各一錢

右水煎服

當歸飲

治風熱赤白遊風作痒或瘙破膿水淋漓等症

四物湯

治赤白遊風血虛發熱或晡熱頭目不清或煩躁不

寐或胸脇作痛等症

六君子湯

治脾氣虧損皮膚瘙痒或癰疹不消

三方見本卷第六論

加味小柴胡湯

治肝膽經風熱怒火赤白遊風或寒熱往來

晡熱潮熱身熱或口苦耳聾等症

方見本卷第二論

加味逍遙散

治血虛有熱遍身搔痒赤白遊風發熱晡熱等症

逍遙散即前方去丹皮山梔

歸脾湯

治脾經血虛痿痺發熱少寐盜汗等症

三方見本卷第四論

荆防敗毒散

方見本卷第十論



婦人痰瘕方論第八

一名便癰一名  
便毒一名瘕子

婦人痰瘕或肝經濕熱下注或鬱怒傷損脾肝其外症或兩脇  
小腹腫痛或玉門炊腫作痛或寒熱往來增寒壯熱其內症或  
小便澀滯或腹內急痛或小腹痞悶或上攻兩脇或哺熱重墜  
若兩脇小腹腫痛肝經濕熱壅滯也用龍膽瀉肝湯玉門腫脹  
肝火血虛也用加味逍遙散及龍膽瀉肝湯加木香若槩投散  
血攻毒之劑則誤甚矣

附治驗

一婦人脇中赤腫脹痛此膿內作用托裏消毒散加柴胡數劑  
潰而膿清寒熱乃氣血復虛用托裡散而寒熱止用十全大補  
百餘劑而斂

一婦人腹拘腫痛寒熱口苦或時帶下此肝經濕熱不利也用  
龍膽瀉肝湯而腫痛消用加味道遙散而寒熱退

一婦人腹拘腫痛小水不利時或胸乳作痛脇腹作脹此肝火  
氣滯用四物柴胡青皮玄胡索木香而愈

一婦人拘中作痛小腹痞悶小便不利內熱體倦飲食少思此  
肝火內動脾胃受傷也用加味歸脾湯柴胡清肝散而安

一婦人拘中腫脹小腹作痛服下血之劑其痛益甚更吐瀉少  
食余以爲肝脾復傷用六君子湯加升麻柴胡而愈

一婦人兩脇腫痛腹內一塊不時上攻月經不調小便不利余  
以爲肝脾氣滯而血傷以四君加芍歸柴胡山梔而愈後因鬱  
怒前症復作兼胸滿腹脹盜汗此肝木甚而傷脾土也用加味



婦人良方卷之二十四  
三十五  
歸脾湯下蘆薈丸而痊

一婦人小腹內或作痛或痞悶兩拘腫痛肉熱寒熱胸膈不利飲食不甘形體日瘦此肝氣滯而脾氣傷也朝用補中益氣湯夕用蘆薈丸漸愈更用六味地黃丸全愈

一婦人兩拘腫痛小腹痞脹白帶時下寒熱往來小水淋瀝余作肝氣滯而血病用龍膽瀉肝湯漸愈又用加味道遙散六味地黃丸全愈

一婦人患前症胸脇脹悶或小水不利或時腹痛此肝火氣病先用龍膽瀉肝湯以清肝熱又用加味道遙散以生肝血六味地黃丸以滋腎水而愈

一婦人患前症余以爲肝脾鬱怒不信另服化痰利氣之劑胸

腹愈脹又服峻利疎導之劑變脾虛發腫而歿

一婦人患前症內熱作渴飲食不甘肢體倦怠陰中作癢小便赤澁此脾經鬱經肝經濕熱用加味歸脾湯而愈後因怒復作小腹脹痛用小柴胡加山梔芍藥痛止又用加味道遙散而愈

一婦人兩脇作痛寒熱內熱小便赤澁胸脇不利此肝火動而脾氣傷也用補中益氣湯加茯苓數劑少愈又與加味歸脾湯諸症悉退再用加味道遙散而愈

一婦人小腹痞悶溺瀦內熱體倦懶食此肝火動而脾血傷也用不珍加柴胡山梔膽草而安

一婦人陰中如梗兩脇腫痛寒熱不食小便頻數小腹重墜余以爲肝脾鬱怒所致先以補中益氣加茯苓山梔車前子青皮



以清肝火升脾氣更以加味歸脾湯調理脾鬱而愈

附方藥

龍膽瀉肝湯

治肝經濕熱兩拘腫痛或腹中疼痛或小便澀

滯等症

龍膽草

酒拌炒黃

澤瀉

各一錢

車前子

炒

木通

生地黃

酒拌

當歸

酒拌

山梔

炒

黃芩

炒

甘草

各五分

右水煎服

九味柴胡湯

治肝經濕熱下注便毒腫痛或小腹脇肋結核

凡肝膽經部分一切瘡瘍或風熱結核瘰癧

柴胡

黃芩

各一錢

人參

山梔

炒

半夏

甘草

各五分

右水煎服

蘆薈丸

治肝氣不和，尅侮脾胃而患諸症，或三焦肝膽經風

熱，日生雲翳，或疳熱瘰癧耳內生瘡，寒熱作痛，肌體消瘦，發熱作渴，飲食少思，肚腹不調，或牙齦蝕落，頰頰腐爛，下部生瘡等症。

蘆薈五錢

龍膽草酒浸炒焦

甘草炒各三錢

龍膽草炒焦

當歸

芍藥炒

胡黃連

當歸

芍藥炒

川芎

蕪荑各一兩

木香

右為末，用米糊丸，麻子大，每服五十丸，滾湯下。



加味小柴胡湯

小柴胡湯 治肝經下部腫脹小便不利或寒熱往來或嘔熱

潮熱或胸脇作痛二方見本卷第三論

加味逍遙散 治肝脾血虛濕熱流注下部諸症發熱嘔熱寒

加味歸脾湯 治脾肝鬱怒下部諸症寒熱嘔熱少食無寐或

經候不調二方見本卷第四論

補中益氣湯 治元氣下陷下部重墜或嘔熱寒熱少食體倦

或因過服寒涼之藥所致方見本卷第十論

加味四物湯 方見本卷第六論

八珍湯 治氣虛寒熱嘔熱或寒熱往來下部諸症二方見本卷第三論

婦人鶴膝風症因胎產經行失調或鬱怒虧損脾肝而為外邪  
所傷或先腿脚牽痛或先肢體筋攣既而膝漸大腿漸細如鶴  
之膝故名之也若腫高赤痛者易治漫腫不赤痛者難治二三  
月潰而膿稠者易治半載後潰而膿清者難治設用攻伐已損  
元氣尤為難治也太要當固元氣為主而佐以太防風湯若食  
少體倦者六君子湯為主肺熱內熱者逍遙散為主寒熱往來  
者小珍湯為主發熱惡寒者十全大補湯為主小寒驚悸者歸  
脾湯為主月經過期者補中益氣為主月經先期者加味逍遙  
散為主凡潰後當大補脾胃若膿出反痛或寒熱煩渴等症皆  
屬氣血虧損二於培補庶保終吉

附治驗



一婦人久鬱怒胸脇不利內熱寒熱經候不調遍身酸痛余謂  
胃氣虧損先用補中益氣湯加半夏茯苓二十餘劑胃氣漸醒  
又用太防風湯與歸脾湯膝腫漸消用加味道遙散太防風湯  
而全消又用小瓊湯加牡丹皮調理氣血而安  
一婦人患前症腫痛寒熱先用太防風湯一劑又用加味道遙  
散四劑月餘腫痛漸退感於速効另服祛風敗毒虛症蜂起仍  
用太防風為主佐以十全大補而消又服大補湯兩月餘而痊  
一婦人患前症兩拘中腿股筋牽作痛內熱寒熱此肝火氣滯  
之症先用加味小柴胡湯四劑後以加味道遙散為主佐以太  
防風湯而消又患痢後兩膝腫痛寒熱往來用十全大補湯為  
主佐以太防風湯而仍消

一婦人患之，雖潰而腫不消，朝寒暮熱，飲食不思，經水三四月一至，此屬肝脾氣血俱虛也。用補中益氣加味歸脾二湯各三十餘劑，腫漸消而寒熱止。又佐以天防風月餘，而能步履，再月餘經行如期，又服六味丸八珍湯三月而歛。

附方藥

大防風湯 治陰虛邪襲腿膝腫痛等症

防風

附子炮

牛膝酒浸

白朮炒

羌活

人參各一錢

川芎一錢五分

肉桂一錢

黃芪炒一錢

芍藥炒

杜仲去皮姜汁拌炒

甘草炙各五分

熟地黃自製一錢五分

右水煎服



九龍山房言如人良本

黑丸子一名和血定痛丸治跌撲墮損筋骨疼痛或瘀血壅腫或外感

風寒肢體作痛若流注膝風初結服之自消若潰而膿清與

補氣血藥自斂孕婦勿服

百草霜

白芍藥各一兩

南星

川烏各三錢

白欬

赤小豆各一兩六錢

白芨

當歸

骨碎補各八錢

牛膝焙六錢

右為末酒糊丸桐子大每服三十丸鹽湯溫酒任下

聖愈湯

治血虛心煩睡卧不寧或五心煩熱

地黃酒拌蒸半日

生地黃酒拌

黃芪炙

川芎

當歸各一錢

水煎服

六味丸

方見本卷第十論

逍遙散

加味道遙散

八珍湯

十全大補湯

歸脾湯

五方見本卷第四論

補中益氣湯

方見本卷第十論

四物湯

六君子湯

二方見本卷第六論

婦人下注腫痛方第十

婦人兩脇生瘡或因胎產飲食失宜傷損脾胃或因憂思鬱怒虧損肝脾以致濕熱下注外邪所搏外腫屬足三陽可治內腫屬足三陰難治若初起發腫赤痛屬濕熱所乘用人參敗毒散或檳蘇敗毒散若漫腫作痛或不腫不痛屬脾虛濕熱下注補中益氣湯氣血俱虛八珍湯若膿水淋漓體倦少食肉熱口乾



屬脾氣虛弱補中益氣加茯苓酒炒芍藥若午後發熱倦怠屬氣虛血弱  
脾虛陰火用前湯加熟地芍藥若午後發熱倦怠屬氣虛血弱  
用前湯加川芎熟地若懷抱鬱怒屬脾氣不舒用歸脾湯加川  
芎山梔若內熱體倦痰涎口瘡屬脾腎虛熱用六味丸若肢體  
畏寒飲食少思屬脾腎虛寒用八味丸太抵色赤屬濕熱易治  
色黯屬虛寒難治設誤用攻伐後傷胃氣多變療症

附治驗

一婦人兩脇生瘡漸至遍身發熱吐痰口燥咽乾盜汗心煩足  
熱小便赤澀日晡益甚此腎足三陰虛火也用加味道遙散小  
味丸而愈  
一婦人患前症四畔微赤作痛重墜膿水淋漓胃膈不利飲食

少思內熱口苦夜間少寐此鬱結傷脾血也用歸脾湯解鬱結  
生脾血用補中益氣加茯苓半夏補脾氣除濕熱

一婦人久不愈色赤微熱日晡燉腫形體虛弱飲食少思等則  
喘渴惡寒發熱此為脾虛下陷用補中益氣湯而愈

一婦人患已三年色黧腫硬惡寒發熱飲食少思形體消瘦作  
渴飲湯飲食稍多或腹脹或泄瀉或作嘔或作酸此脾氣虛寒  
也用補中益氣加乾姜五分五十餘劑而愈

一婦人患此因步復勞復惡寒發熱倦怠懶食而瘡出血此元  
氣虛而不能攝血歸經也用補中益氣湯而愈

一婦人患之因怒寒熱頭眩或耳項腦脇脹痛或小腹陰道閉  
塞或小便頻數下血此屬肝火血熱先用小柴胡加炒黑山茱



等歸事前一劑諸症悉退又用加味逍遙而愈後因飲食勞倦前症復作瘡口出血用補中益氣湯而安

一婦人患痔兩月燠腫赤痛小便頻數飲食如常此濕毒甚而氣血虛先用活命飲二劑去其濕毒又用八珍湯調補氣血而一婦人患此燠痛惡寒發熱此濕熱乘於足三陽經分用檳蘇敗毒散而寒熱退用仙方活命飲而燠痛止再用補中益氣湯而形氣健

附方藥

人參敗毒散

治瘡瘍燠痛寒熱或拘急頭痛

人參

羌活

獨活

前胡

柴胡

桔梗

枳殼

茯苓

川芎

甘草各一

右水煎服

檳蘇敗毒散即人參敗毒散加檳榔紫蘇

補中益氣湯治元氣虛損或因剋伐惡寒發熱倦怠少食或

不能消散生肌或兼飲食勞倦煩熱作渴

黃芪炒

人參

白朮炒

甘草炙

當歸錢各一

陳皮分五

柴胡

升麻各三分

右姜棗水煎空心午前服

烏沉湯生氣血補心腎上損者服之其効勝大建中湯

人參

當歸

白朮炒各二兩

烏藥

沉香各半兩

白茯苓

附子炮去皮各二兩

肉桂去皮半兩



右為末每服三錢姜棗水煎空心服

金鎖正元丹 治真氣不足四肢怠惰脚膝酸疼目暗耳鳴自

汗盜汗一切虛損之症

五倍子

二兩

紫巴戟

去心四兩

補骨脂

酒浸炒二兩半

硃砂

七錢另研

肉蓯蓉

焙四兩

葫蘆巴

炒四兩

茯苓

去皮二兩

龍骨

煨一兩

右為末酒糊丸桐子大每服二十丸空心溫酒或鹽湯下

平胃鎮心丹 治心血不足時或心中驚悸夢如高隊常服安

心腎益榮衛

硃砂

細研半兩為衣

人參

錢五

龍齒

一兩

白茯苓

五味子

炒

車前子

炒

茯神

麥門冬

天心中

肉桂

各一兩  
二錢半

遠志

去心  
甘草製

天門冬

去心  
并膏

山藥

製各  
兩五錢

酸棗仁

去皮尖  
二錢半

熟地黃

酒蒸五  
錢并膏

右為末蜜丸桐子大每服三十丸空心溫酒下

威喜丸

治小便白濁

黃蠟

兩四

白茯苓

四兩一塊同諸苓一兩於磁器內  
煮二十沸漉出曬乾不用諸苓

右以茯苓為末鑊蠟丸彈子大每服一丸空心細嚼津液嚥下

小便清利為度忌食米醋

小柴胡湯

方見本卷第八論

加味逍遙散

八珍湯

歸脾湯

三方見本卷第四論

仙方活命飲

方見本卷第五論



六味丸

八味丸

二方見本卷第十一論

婦人足跟腫方論第十一

婦人足跟足指腫痛足心發熱者皆因胎產經行失於調攝虧損足三陰虛熱所致若腫痛或出膿用六味丸為主佐以八珍湯胃虛懶食佐以六君子湯寒熱內熱佐以逍遙散補熱益甚頭目不清佐以補中益氣湯痰盛作渴或口舌生瘡亦用前二藥以滋化源大凡發熱晡熱內熱自汗盜汗等症皆陰假熱也故丹溪謂火起九泉陰虛之極也蓋足跟乃督脈發源之所腎經所過之地若不求其屬而泛用寒涼則誤甚矣然俗謂為鬼瘡瘡者蓋獵人被兔咬足跟久而不斂氣血瀝盡其人必死男子酒色過度者多患此症

附治驗

一婦人素血虛因太勞兩足發熱晡熱月經過期或用四物等連飲食少思曾痞吐痰用二陳枳實黃連太便不實吐痰無度足跟作痛余曰足熱晡熱月經過期肝脾血虛也曾痞吐痰飲食少思脾胃氣虛也蓋胃爲五臟之根本胃氣一虛諸病悉至先用補中益氣加茯苓半夏脾胃漸健乃佐以六味丸補脾腎不兩月而痊

一婦人經候不調發熱晡熱胸膈不利飲食少思服清熱寬中消導之劑前症益甚更兼肢體酸痛服除濕化痰等藥經候兩三月一至服通經降火之劑足跟足指作痛其熱如炙余以爲足三陰虧損用補中益氣六味地黃兩月諸症漸退又用前湯



并八珍湯兩月而康

一婦人足跟患腫兩腿酸軟或赤或白或痛或痒後或如無皮或如皸裂日晡至夜脹痛熾熱此屬足三陰虛損用加減八味丸及逍遙散加熟地川芎百餘劑而愈

一婦人勞則足跟熱痛余作陰虛用八珍而痊後遍身搔痒服風藥發熱抽搐肝脉洪數此肝家血虛火盛而生風以天竺膽生為丸用四物麥門五味苧連炙草山梔柴胡煎送而愈

一婦人兩足發熱足跟作痛日晡熱甚余謂腎肝血虛用逍遙散六味丸五十餘劑諸症悉愈

附方藥

當歸補血湯 治脾胃損傷或因服峻劑致血氣俱虛發渴引

飲月赤面紅晝夜不眠其脉洪大而虛重按全無若候服白虎湯必死

黃芪

雨炙一

當歸酒製

右水煎服

赤丸

一名六味地黃丸

此壯水制火之劑夫人之生以腎為主人之

病多由腎虛而致者此方乃天一生水之劑無不可用若腎虛發熱作渴小便淋秘痰壅失音咳嗽吐血頭目眩暈眼花耳聾咽喉燥痛口舌瘡裂齒不堅固腰腿痿軟五藏虧損自汗盜汗便血諸血凡肝經不足之症尤當用之蓋水能生木故也此水泛為痰之聖藥血虛發熱之神劑又治肝腎精血不足虛熱不能起牀即八味丸去附子肉桂



八味丸 治命門火衰不能生土以致脾胃虛寒而患流注鶴

膝等症不能消潰收斂或飲食少思或食而不化或臍腹疼

痛夜多漩溺經云益火之源以消陰翳即此方也

熟地黄自製八兩

山茱萸肉

山藥各四兩

茯苓

牡丹皮

澤瀉各三兩

肉桂

用三分厚者去皮取肉分許方能補腎引虛火歸源

附子

用一兩五錢重者切四塊用童便浸數日火煨切看無白星為度

右為宋蜜丸桐子大每服七八十丸滾湯下

六君子湯

方見本卷第六論

補中益氣湯

方見本卷第十論

八珍湯

逍遙散

二方見本卷第四論

婦人肺癰方論第十二

仍參外  
科樞要

婦人肺癰因外邪內蘊或七情鬱火誤行汗下重亡津液以致肺氣受傷而惡風咳嗽鼻塞項強胃脇脹滿呼吸不利吐痰臭濁膿血腥穢若咳嗽喘急寒邪在表也小青龍湯咳嗽胃脹寒邪內壅也葶藶大棗瀉肺湯脅脹咳唾腥臭膿已成也桔梗湯咳喘短氣或小便短少肺氣虛也佐以參芪補肺湯體倦少食或喘嗽短氣脾肺虛也佐以參朮補脾湯作渴飲冷午前嗽甚胃火盛也竹葉石膏湯作渴內熱午後嗽甚陰血虛也六味丸四物湯口乾飲湯體倦少食胃氣虛也補中益氣湯加五味麥門口乾內熱咳唾痰涎腎水虛也六味丸益氣湯黃昏熱或嗽甚陰火熾也六味丸四物湯加五味麥門五更嗽或痰甚脾肺



虛也六君子湯嗽而不得眠及兩脇痛肝火血虛也六味丸益氣湯大凡前症因外淫所侵當祛邪而實土因心火太過當伐木而補金若肺氣虛弱當補脾土而生肺金若陰火上炎當補脾肺以滋腎水然而發熱喘嗽咳唾膿血飲食不入皆脾土不能生肺金肺金不能生腎水之敗症苟能純補脾土而生諸藏多有復生者若用寒涼脾胃復傷則肺經失養腎水益涸虛火上炎薰蒸於肺吾未見其能生之者其唾膿血脈浮大面赤者俱難治若陰火妄動或勞嗽吐膿血者尤難治若膿自止脈浮短濇及始萌者易治

附治驗

一婦人素血虛發熱咳嗽服痰火之劑後吐膿血面赤脈數其

勢甚危此膿成而氣血虛也余用八珍湯補元氣桔梗湯治肺癰而愈

一婦人感冒風寒或用發表之劑反咳嗽喘急飲食少思胃膈不利大便不通右寸關脈浮數欲用疎通之劑余曰此因脾土虧損不能生肺金若更利之復耗津液必患肺癰矣不信仍利之虛症悉至後果吐膿余朝用益氣湯夕用桔梗湯各數劑吐膿漸止又朝仍用前湯夕用十全大補湯各五十劑喜其善調理獲愈

一婦人咳嗽吐痰胸膈作痛右寸關浮滑項下牽強此脾胃積熱之痰非癰患也以二陳山梔白朮桔梗治之而痊

一婦人素血虛內熱時咳甲辰孟冬兩尺浮洪以脾胃不健請



治余曰當防患肺症丙午孟春果咳嗽左右寸脉洪數肺癰也  
膿已成左寸脉仍洪數乃心火剋肺金夏令可憂余用壯水健  
脾之劑稍愈彼遽自忽不事調攝果歿於夏令

附方藥

青龍湯 治肺經受風寒咳嗽喘急

半夏湯泡

乾姜

細辛

麻黃

去節

肉桂

芍藥

甘草

炙各一錢

五味

炒五分

附子

炮五分

右水煎服

葶藶大棗瀉肺湯

治肺癰胃膈脹滿上氣喘急或身面浮腫

鼻塞声重用葶藶炒黃研末每服三錢先用棗十枚水煎去

棗入藥再煎食後服

桔梗湯 治肺癰咳而胃膈隱痛兩肢腫滿咽乾口燥煩悶作

渴濁唾腥臭

桔梗炒

貝母 去心

當歸 酒拌

瓜蒌仁

枳殼 麩炒

薏苡仁 微炒

桑白皮 炒

甘草節

防已 去皮各錢

黃芪 鹽水拌炒

百合 蒸各一錢五分

五味子 拌炒

甜葶藶 炒

地骨皮

知母 炒

杏仁 各五分

右姜水煎服

人參補肺湯 治肺癰腎水不足虛火上炎咳唾膿血發熱作

渴小便不調

人參

黃芪 炒

白朮

茯苓



大醫明言婦人良方

陳皮

當歸各一錢

山茱萸按去

山藥各二錢

五味子并

麥門冬

甘草各七分

熟地黃自製一錢五分

牡丹皮一錢

右姜水煎服

參芪補脾湯

治肺症因脾氣虛弱咳嗽膿涎中滿不食宜兼服此藥以補脾土生肺金

人參

白朮各二錢

黃芪各二錢五分

茯苓

升麻各三分

當歸

陳皮各一錢

五味子并

炙甘草五分

右姜水煎服

人參平肺散

治心火剋肺金患肺癆咳嗽喘嘔痰涎壅盛胸

膈痞滿咽噎不利

人參

青皮

茯苓

天門冬

陳皮

錢各一

地骨皮

錢一

甘草

炙五

知母

七

五味子

十粒

桑白皮

錢一

右薑水煎服

竹葉石膏湯

治胃火盛而作渴者

淡竹葉

石膏

煨

桔梗

炒

木通

薄荷

甘草

錢各一

右姜水煎服

竹葉黃芪湯

治癰疽氣血虛胃火盛而作渴

淡竹葉

錢二

黃芪

炒

麥門冬

去心

當歸

川芎

甘草

炒

黃芩

炒

芍藥

炒

人參

半夏



石膏煨 生地黃各一

右水煎服

二陳湯 方見本卷第五論

六味丸 方見本卷第十一論

補中益氣湯 方見本卷第十論

四物湯 六君子湯 二方見本卷第六論

十全大補湯 八珍湯 二方見本卷第四論

婦人腸癰方論第十三

婦人腸癰因經行產後瘀血或七情飲食所致其症小便如淋發熱惡風身皮甲錯腹皮腫急按之軟如腫狀或腹脹大轉側有水聲或繞臍生瘡或大便秘出膿其脈遲緊者膿未成用活命

飲以解其毒，脉滑數者，膿已成，用雲母膏。以下其膿，若二年間遍身微腫，太腸與臍出膿，此息積之症也。多致不救。內經云：腸癰為病，不可驚驚，則腸斷而死。其坐卧轉側，宜徐緩，時嘗少飲薄粥，靜養調理，庶可保生。

### 附治驗

一婦人小腹腫痛，小便如淋，此毒結於內，用神効瓜蒌散二劑，少愈。又薏苡仁湯二劑，乃痊。

一婦人小腹痛，而有塊，脉亢而瀦，此瘀血為患，以四物加玄胡索、紅花、桃仁、牛膝、木香二劑，血下而愈。

一婦人小腹脹痛，大便秘瀦，轉側有水聲，脉洪數，以梅仁湯二劑，下諸血，諸症頓退，以薏苡仁湯二劑而瘥。



一婦人小腹脹痛小便不利脛滑數此膿已成也服太乙膏五錢膿下甚多脹痛頓退以瓜蒌散蠟燭禁丸托裏藥而安

一婦人因經水多服藥止之致腹作痛以失笑散二服而瘳又用加味逍遙散數劑而經調

一產婦惡露停滯小腹作痛服瓜仁湯下瘀血而痊凡瘀血停滯急宜行之緩則腐化為膿最為難治若流注關節則患骨疽多為敗症

附方藥

瓜子仁湯 治產後惡露未盡經行瘀血停滯小腹作痛或成

癰患

薏苡仁四兩

桃仁去皮尖

牡丹皮

瓜蒌仁各一兩

右每服五七錢水煎

敗醬散

治脉數身無執腹無積聚按之軟濡此為腸癰久積

陰冷所成

薏苡仁二兩半

附子炮半兩

敗醬草一兩三錢五分

右每服四錢水煎以小便利為度

牡丹湯

治腸癰腹軟而痛時下膿血

牡丹皮

人參

天麻

白茯苓

黃芪炒

薏苡仁

桃仁去皮尖

白芷

當歸酒炒

川芎各一錢

官桂

甘草炙各五分

木香三分

大醫完安主婦人... 二十四卷 五十一



右水煎服

大黃湯

治腸癰小腹堅腫按之則痛肉色如故或微赤微腫

小便頻數汗出憎寒脉遲緊未成膿者宜服之

大黃炒

朴硝各一錢

牡丹皮

瓜蒌仁炒

桃仁去皮尖各二錢

右水煎服

梅仁湯

治腸癰壅痛大便秘澀

梅仁九箇去皮尖

大黃炒

牡丹皮

芒硝各一錢

冬瓜仁研三錢

犀角鎊末一錢

右水煎入犀角末服

神仙太乙膏

治一切癰疽不問膿之成否並宜貼之更作服

玄參

白芷

當歸

肉桂

大黃

赤芍藥

生地黄各一兩

淨黃丹十三兩

右用麻油二斤入銅鍋內煎黑瀝去粗入黃丹十二兩再煎滴水中捻軟硬得中即成膏矣如軟更加丹雲母膏固效卒難修合太乙膏亦可

神效普礬丸 最解毒止痛

白礬

末一兩 明亮者

黃蠟

半兩黃色者容開一方用七錢

右和衆手丸桐子大每服三十丸滾湯下如服金石瘥更用白礬末一兩作三五服以溫酒調下若遍身生瘡如蛇頭服之尤効此藥能解毒氣內攻也須多服方驗亦治蛇咬熔化乘熱滴傷處毒即出痛即止仍服兩許



失笑散

治產後心腹絞痛或血迷心竅不知人事及尋常腹

內瘀血積血作痛

五靈脂

去砂土炒

蒲黃

炒各等分

右為末每服一二錢溫酒調

活命飲

方見本卷第五論

神効瓜蒌散

方見本卷第七四論

四物湯

方見本卷第六論

加味逍遙散

方見本卷第四論

乳癰方論第十四

經云乳頭屬足厥陰肝經乳房屬足陽明胃經若乳房初生腫痛結核色赤數日之外炊痛脹潰膿出膿盡而愈此為膿

胃熱毒氣血壅滯名曰乳癰為易治若初起內結小核或如贅  
棋子不赤不痛積之歲月漸大纔巖崩破如熟榴或內潰深洞  
血水滴瀝此屬肝脾鬱怒氣血虧損名曰乳巖為難療治法燉  
痛寒熱宜發表散邪脾煖痛甚宜疎肝清胃或不作膿膿成不  
潰宜用托裏或肌肉不生膿水清稀宜補脾胃或膿出反痛惡  
寒發熱宜補氣血或脾煖作痛脾熱內熱宜補陰血或飲食少  
思時作嘔吐宜補胃氣或飲食難化泄瀉腹痛宜補脾氣或勞  
碌腫痛宜補氣血怒氣痛腫宜養肝血慎不可用剋伐之劑後  
傷脾胃也乳巖初患用益氣養榮湯加味逍遙加味歸脾可以  
內消若用行氣破血之劑則速其亡

附治驗



婦人內熱脇脹兩乳不時作痛口內不時辛辣若卧而起急則臍下牽痛此帶脉爲患也用小柴胡加青皮黃連山桅二劑而差

一婦人因怒兩乳腫兼頭痛寒熱此肝經氣滯也用入參敗毒散二劑表症已退用小柴胡加芎歸枳殼桔梗四劑而愈

一婦人久鬱右乳內腫硬此肝經血症也用八珍加遠志貝母柴胡青皮及隔蒜灸兼神効瓜蒌散兩月餘而痊

一婦人先熱渴至夜尤甚後兩乳忽腫肝脉洪數乃熱入血分用加味小柴胡湯而愈

一婦人因怒左乳作痛發熱因表散太過腫熱殊甚用益氣養榮數劑熱止膿成因不即針益腫脹熱渴針之膿大泄仍服前

湯月餘而愈

一婦人因怒左乳作痛胃腸不利此屬肝脾氣滯以方肺流氣飲加木香青皮四劑而安

一婦人膿清腫硬面黃少食內熱肺熱目汗盜汗月經不行此肝脾氣血俱虛也用十全大補加遠志貝母及補中益氣各三劑餘劑外用葱熨法而消

一婦人膿成脹痛余欲針之不從至數日針出敗膿三四碗許虛症蜂起幾至危殆用大補之劑兩月餘始愈

一婦人素弱多鬱患時疫後脾胃愈虛飲食愈少因怒右乳脇紅腫應內作痛或用炒麩熨之內痛益甚服加減四物湯腫勢愈大胸脇背心相引而痛余謂病後脾弱怒後傷肝用八珍



加陳皮黃芩柴胡山梔白芷八劑稍愈去白芷加青皮木香桔  
梗又六劑而安

一婦人左乳內腫如桃不痛不赤發熱漸瘦此肝脾鬱怒也用  
八珍加香附遠志青皮柴胡百餘劑又蕪神勅小蓟散三十餘  
劑膿潰而愈

一婦人久鬱左乳內結核如杏三月不消心脉瀆脾脉大按之  
無力此肝脾氣血虧損以八珍加貝母遠志香附柴胡青皮桔  
梗五十餘劑而消

一婦人稟實性躁懷抱久鬱左乳內結二核按之微痛此皆氣  
血鬱滯以通翹飲十餘劑少退更以八珍加青皮香附桔梗貝  
母二十餘劑而消

已上皆  
乳癰

一婦人右乳內結三核年餘不消朝寒暮熱飲食不化此肝脾  
氣血虧損內服益氣養榮湯外以木香餅熨之年餘血氣復  
一婦人乳內結核年餘晡熱少食余謂此血氣不足欲用益氣  
養榮湯彼反服行氣之劑潰出膿膿而歿又一婦人乳內結核如  
栗亦服前藥大如覆碗堅硬如石出血水而歿已上皆乳巖

附方藥

神效瓜蒌散 治乳癰及一切癰疽初起腫痛即消膿成即潰  
膿出即愈

瓜蒌一個 爛研

生粉草

當歸酒洗各半兩

乳香

沒藥各一錢

右用酒煎服良久再服若肝經血虛結核久而不消佐以四



物柴胡升麻白朮茯苓甘草若肝脾氣血虛弱佐以四君等  
歸柴胡升麻若憂鬱傷脾氣血虧損佐以歸脾湯

玉露散

治產後乳脉不行或身體壯熱頭目昏痛太便秘滯

等症

人參

白茯苓

桔梗炒

川芎

白芷

當歸

芍藥各一錢

甘草五分

石水煎服

灸肩尖肘尖二穴

即肩髃肘膠

此穴治瘰癧之秘法蓋瘰癧屬肝膽二經故患耳前後項腋  
之間男子多因恚怒虧損肝經之血陰火內作或不慎起居  
耗損腎水不能生肝血婦女多因恚怒傷肝久動血燥或鬱



結傷脾火動血耗或患於胸乳間亦屬於前經此症若因患  
 怒傷肝氣血壅遏而不愈蓋且灸此穴疎通經絡若因久於  
 鬱怒元氣虧損而不愈當推其所傷四調補化源如取其穴  
 當以指甲掐兩肘兩肩四所患處覺酸麻方是其穴男子治  
 驗見外  
科摳要婦人見校註婦人  
 良方小兒見保嬰粹要

門人俞應竹  
 姪勉學  
 盧胤賢  
 吳大賓  
 義烏朱用中  
 黃補校正



太醫院校註婦人良方大全卷之二十四終

大和田意剛

實永十三  
丙子中夏









